



CONCELLO DE

CAMBADOS

ACTA DA SESIÓN ORDINARIA CELEBRADA POLO PLENO O 4 DE DECEMBRO E REMATADA O 5 DE DECEMBRO DE 2017.

ASISTENTES:

PRESIDENTA:

Abal Roma, Fátima (P.S.deG.-PSOE)

CONCELLEIROS:

Abal Varela, José Ramón (Cambados PODE)

Aragunde Aragunde, Luis (P.P.)

Brea Troncoso, Mónica (P.P.)

Caamaño Rivas, Víctor Manuel (B.N.G.)

Cacabelos Domínguez, María Josefa (B.N.G.)

Charlín Trigo, Xurxo (Participación Democrática Directa de Galicia/Somos Cambados)

Cordal Rodríguez, Constantino (Participación Democrática Directa de Galicia/Somos Cambados).

Gómez Blanco, Juan Ramiro (P.P.)

Iglesias Pombo, Antonio Joaquín (P.P.)

Martínez Piñeiro, Milagros (P.S.deG.-PSOE)

Oubiña Santos, Ana Isabel (P.P.)

Pérez Osorio, Miguel (P.S.deG.-PSOE)

Pomares Botana, Eulogio (P.P.)

Prado Cores, María Teresa (B.N.G.)

Serantes González, Luis Alberto (P.P.)

Varela Piñeiro, María Isabel (P.P.)

CONCELLEIROS AUSENTES:

Martínez Piñeiro, Milagros (P.S.deG.-PSOE)

SECRETARIO XERAL

Francisco Javier Oubiña Lodeiro

No Salón de sesións da Casa Consistorial, sendo as vinte e unha horas e catro minutos, reúnense en primeira convocatoria os Concelleiros citados anteriormente, ao obxecto de celebrar a sesión ordinaria do Pleno, asistidos de min, o secretario xeral do Concello quen certifica.

Comprobada pola Secretaría a existencia do quórum necesario, a Sra. Alcaldesa dí que xa que o sábado día 25 foi o día internacional da eliminación da violencia contra a muller dí que quere dicir que o día 24 a directora do CIM leu un manifesto reiterando o compromiso na erradicación de todas e cada una das formas de violencia de xénero existentes. Da lectura ao manifesto e asimesmo da os nomes das mulleres asasinadas rematando cun minutos de silencio.

Acto seguido declárase pola Sra. Alcaldesa-Presidenta aberta a sesión con arranxo ao seguinte orde do día:

II PARTE DE CONTROL E FISCALIZACIÓN DA XESTIÓN DOS ÓRGANOS MUNICIPAIS DE GOBERNO

1º.- MOCIÓN DO GRUPO MUNICIPAL DO PARTIDO POPULAR PARA APOIAR E RESPALDAR ÁS FORZAS E CORPOS DE SEGURIDADE DO ESTADO COMO GARANTES DO ESTADO DE DEREITO.

Intervén o Sr. Aragunde Aragunde dando lectura á moción presentada polo seu grupo e remata que en conclusión é una moción de apio ás forzas e corpos de seguridade do estado.

O texto íntegro da moción é o seguinte:

“MOCIÓN PARA APOIAR E RESPALDAR AS FORZAS E CORPOS DE SEGURIDADE DO ESTADO COMO GARANTES DO ESTADO DE DEREITO.-

Dende o pasado día 20 de setembro, data na que se ordenou por parte do Xulgado de Instrucción n.º 13 de Barcelona a práctica de dilixencias de entrada e rexistro en distintas consellerías e organismos técnicos da

Generalitat de Cataluña, e ata o domingo 1 de outubro, día no que se tratou de celebrar o referéndum ilegal prohibido polo Tribunal Constitucional, as Forzas e Corpos de Seguridade do Estado foron obxecto dun acoso constante coa finalidade de impedir aos seus axentes o lexítimo exercicio das súas funcións.

A sociedade foi testemuña a través dos medios de comunicación do enorme clima de hostilidade e dos numerosos ataques que sufrieron os membros da Policía Nacional e da Garda Civil polo simple feito de realizar o seu labor e defender o Estado de Dereito. Durante estes días, todos os cidadáns puideron ver como os manifestantes os insultaron e incluso os agrediron, como destrozaron os seus vehículos, como os rodearon durante horas para bloquear as súas saídas, como informaron a través de medios de comunicación da Generalitat dos seus movementos dentro do territorio da Comunidade Autónoma catalá coa finalidade de delatalos e sinalalos. Feitos que motivaron que a Fiscalía da Audiencia Nacional presentara unha denuncia por sedición ao considerar que serían constitutivos destes e doutros delitos.

Debe recordarse que, no contexto descrito, o Goberno da Nación víuse na obriga de adoptar medidas co obxecto de garantir o cumprimento da Lei na Comunidade Autónoma de Cataluña en base ás instruccions da Fiscalía para impedir a celebración do referéndum ilegal e do acordo tamén ao previsto previsto no artigo 38.2 da Lei Orgánica de Forzas e Corpos de Seguridade que contempla a intervención da Policía e Garda Civil no mantemento da orde pública.

A violencia á que nos referimos teñen que ver cos chamados delitos de odio e incompatibles con calquera sistema democrático. Non ten cabida, polo tanto, ningún tipo de actitude violenta ou coacción co fin de defender un posicionamento político ou ideolóxico. A violencia é simplemente violencia, sen que caiga ningún tipo de xustificación atendendo á finalidade pretendida polos seus autores ou impulsores, polo que todos os cidadáns, e especialmente os representantes públicos, deben estar unidos na condena de toda violencia, sen desculpar ou minimizar en ningún caso feitos que poidan atentar contra a liberdade e a integridade das persoas.

É un deber e unha obriga de todos os partidos democráticos rexeitar e condenar rotunda e sistemáticamente calquera comportamento de natureza violenta -independentemente da ideoloxía en que se amparen- así como calquera acción xustificativa dos mesmos, e mostrar o seu apoio á Forzas e Corpos de Seguridade do Estado no seu labor en defensa e protección dos dereitos e liberdades de todos os cidadáns. É inxusto e intolerable tratarlos como inimigos cando os gardas civís e policías nacionais son servidores públicos que cumplen coa responsabilidade de garantir a liberdade e todos e o libre exercicio dos nosos dereitos.

Os homes e mulleres que integran estes Corpos están comprometidos coa seguridade de España e dos españois, e dedican as súas vidas a salvagardar a convivencia, a seguridade e a tranquilidade dos seus concidadáns, merecendo así o cariño, a admiración e o respecto do conxunto da sociedade española. É por esta e por outras moitas razóns polas que a Policía Nacional e a Garda Civil son as dúas institucións públicas que máis confianza xeran segundo figura no barómetro do CIS do ano 2015, pois grazas ao seu servizo diario estamos conseguindo que España sexa na actualidade un dos países más seguros do mundo.

Por todo isto, solicitamos a adopción do seguinte ACORDO:

O pleno da corporación de Cambados manifesta:

1. O seu apoio incondicional á Policía Nacional e Garda Civil no seu labor de defensa e protección dos dereitos e liberdades de todos os cidadáns e, especialmente, e desde a legalidade constitucional, da soberanía nacional, o Estado de Dereito, a democracia, e a convivencia entre os españois.
2. A súa condena ao acoso sistemático ao que os seus membros están sendo sometidos mediante actos violentos, independentemente da ideoloxía na que se amparen, así como calquera tipo de acción ou declaracón que xustifique, ampare ou minusvalore ditos actos, rexeitando en consecuencia toda conducta antidemocrática que atente contra a convivencia en paz e liberdade e que trate de socavar os fundamentos da nosa democracia.
3. Ademais, insta ou conxunto das institucións españolas a:
3. Utilizar con determinación e firmeza, así como desde a proporcionalidade e oportunidade, todos os mecanismos que, en defensa da soberanía do pobo español e do interese xeral de España, lle atribúen a

Constitución e as Leis.= 4. Actuar, coas ferramentas do Estado de Dereito, contra as iniciativas que pretendan, desde a ilegalidade e contra a vontade democrática do conxunto do pobo español, conculcar o noso marco constitucional e a unidade de España.

Para o seu coñecemento acórdase finalmente, trasladar esta petición ao Presidente e á Vicepresidenta do Goberno de España, aos Ministros de Xustiza e de Interior do Goberno de España, aos Voceiros dos Grupos Parlamentarios do Congreso e do Senado, aos Portavoces dos Grupos parlamentarios da Cámara autonómica, e á Xunta de Goberno da FEMP.”

Intervén a Sra. Alcaldesa quen abre una primeira quenda de intervencións de conformidade co previsto no artigo 44 do R.O.M.

Intervén o Sr. Abal Varela quen dí que todos coñecen o conflito que se está a vivir en Cataluña, que os feitos son lamentable, que él é concelleiro de seguridade e ten una gran relación coa garda civil, quenes tamén fixaron una gran labor cos lunes. Prosegue dicindo que o cuartel da garda civil non se atopa no mellor estado ao que hai que culpar aos anteriores gobernos do PP. Remata dicindo que sen entrar no conflito catalán está dacordo co que se pide na moción.

Intervén o Sr. Cordal Rodríguez que dí que eles apoian ás forzas e corpos de seguridade do estado pero que se van a abster porque esta moción non establece a equiparación retributiva cos mossos ou que o cuarte da garda civil estea en mal estado. Que subsciben boa parte da moción pero que non comparten o fondo xa que o tema catalán esta para tapar outros asuntos como os casos de corrupción. Por último dí que nas Cortes Xerais do Estado retirouse o “apoio incondicional”.

Intervén o Sr. Caamaño Rivas quen dí que que a violencia é sempre violencia e que na moción non se fala da de que ese día se daba estopa. solicita que se vote una emenda consistente en que a seguridade cidadá está por riba das diferencias partidistas, que é un servizo público básico que deben asegurar os poderes públicos no marco das súas competencias, solicita que se amplie a outros colectivos que non se citan na moción do PP. Dí que a participación cidadá é máis importante que a lei e que a

reacción policial foi desmedida utilizando porras contra persoas que se resistían pacíficamente. Fai un chamamento ao diálogo.

Intervén o Sr. Pérez Osorio quen dí que desde o PSOE non queren votar máis gasolina, pero que o grupo municipal lles acusa de meter asuntos de recheo nos plenos, como o do Pazo de Meirás e agora traen esta moción, que o PP é maior fábrica de independentistas como foi a impugnación no TC do Estatuto de autonomía de Cataluña, que buscan enfrentamentos para ter maiores réditos políticos, que eles non van a entrar nese xogo. Que non se lle pode dar a foto aos independentistas coas cargas policiais xa que o estado de dereito ten mecanismo suficientes. Anuncia que se van a abstener afirmando o seu compromiso co estado de dereito e coas forzas e corpos de seguridade do estado as cales son vítimas colaterais da actuación do goberno.

Intervén o Sr. Aragunde Aragunde quen dí que parece que os concelleiros descoñecen que efectivos de Cambados estiveron en Cataluña. Que se fala de Policía Nacional e Garda Civil é porque foron os corpos que se desprazaron. Dí que confunden as decisións políticas con decisións xudiciais. Por último en referencia ao cuartel da garda civil dí que o PP gobernou cos orzamentos moi mermados e fixo cousas pero que cando gobernou o PSOE con bonanza económica non fixo nada e dílle ao Sr. Caamaño que non van aceptar esa emenda.

Intervén a Sra. Alcaldesa dicindo que se pediu ao ministerio do interior o do cuarte pagando a deputación a metade e dixerón que non.

Intervén o Sr. Pérez Osorio quen dí que o ministro Dastis dí agora que o Estatuto de Zapatero podería ser a solución para Cataluña.

Intervén a Sra. Alcaldesa que lle pregunta ao voceiro do PP se aceptar eliminar o término incondicional, ao que se lle contesta que sí.

Sométese a emenda a votación acadándose o seguinte resultado:

Votos a favor: 13

Abstencións: 3 Membros do grupo municipal do BNG

Sométese a moción emendada a votación acadándose o seguinte resultado

Votos a favor: 9 (Membros do grupo municipal do PP e mixto)
Abstencións 7: (Membros dos grupos municipais de PSdeG-PSOE, BNG e Somos Cambados).

En consecuencia queda aprobada moción presentada polo grupo municipal do Partido Popular para apoiar e respaldar ás forzas e corpos de seguridade do estado como garantes do estado de dereito coa emenda aprobada sendo o seu texto definitivo o seguinte:

“MOCIÓN PARA APOIAR E RESPALDAR AS FORZAS E CORPOS DE SEGURIDADE DO ESTADO COMO GARANTES DO ESTADO DE DEREITO.-

Dende o pasado día 20 de setembro, data na que se ordenou por parte do Xulgado de Instrucción n.º 13 de Barcelona a práctica de dilixencias de entrada e rexistro en distintas consellerías e organismos técnicos da Generalitat de Cataluña, e ata o domingo 1 de outubro, día no que se tratou de celebrar o referéndum ilegal prohibido polo Tribunal Constitucional, as Forzas e Corpos de Seguridade do Estado foron obxecto dun acoso constante coa finalidade de impedir aos seus axentes o lexítimo exercicio das súas funcións.

A sociedade foi testemuña a través dos medios de comunicación do enorme clima de hostilidade e dos numerosos ataques que sufrieron os membros da Policía Nacional e da Garda Civil polo simple feito de realizar o seu labor e defender o Estado de Dereito. Durante estes días, todos os cidadáns puideron ver como os manifestantes os insultaron e incluso os agrediron, como destrozaron os seus vehículos, como os rodearon durante horas para bloquear as súas saídas, como informaron a través de medios de comunicación da Generalitat dos seus movementos dentro do territorio da Comunidade Autónoma catalá coa finalidade de delatalos e sinalalos. Feitos que motivaron que a Fiscalía da Audiencia Nacional presentara unha denuncia por sedición ao considerar que serían constitutivos destes e doutros delitos.

Debe recordarse que, no contexto descrito, o Goberno da Nación víuse na obriga de adoptar medidas co obxecto de garantir o cumprimento da Lei na Comunidade Autónoma de Cataluña en base ás instruccions da Fiscalía para impedir a celebración do referéndum ilegal e do acordo tamén ao previsto previsto no artigo 38.2 da Lei Orgánica de Forzas e Corpos de Seguridade que contempla a intervención da Policía e Garda Civil no mantemento da orde pública.

A violencia á que nos referimos teñen que ver cos chamados delitos de odio e incompatibles con calquera sistema democrático. Non ten cabida, polo tanto, ningún tipo de actitude violenta ou coacción co fin de defender un posicionamento político ou ideolóxico. A violencia é simplemente violencia, sen que caiga ningún tipo de xustificación atendendo á finalidade pretendida polos seus autores ou impulsores, polo que todos os cidadáns, e especialmente os representantes públicos, deben estar unidos na condena de toda violencia, sen desculpar ou minimizar en ningún caso feitos que poidan atentar contra a liberdade e a integridade das persoas.

É un deber e unha obriga de todos os partidos democráticos rexeitar e condenar rotunda e sistemáticamente calquera comportamento de natureza violenta -independentemente da ideoloxía en que se amparen- así como calquera acción xustificativa dos mesmos, e mostrar o seu apoio á Forzas e Corpos de Seguridade do Estado no seu labor en defensa e protección dos dereitos e liberdades de todos os cidadáns. É inxusto e intolerable tratarlos como inimigos cando os gardas civís e policías nacionais son servidores públicos que cumplen coa responsabilidade de garantir a liberdade e todos e o libre exercicio dos nosos dereitos.

Os homes e mulleres que integran estes Corpos están comprometidos coa seguridade de España e dos españois, e dedican as súas vidas a salvagardar a convivencia, a seguridade e a tranquilidade dos seus concidadáns, merecendo así o cariño, a admiración e o respecto do conxunto da sociedade española. É por esta e por outras moitas razóns polas que a Policía Nacional e a Garda Civil son as dúas institucións públicas que máis confianza xeran segundo figura no barómetro do CIS do ano 2015, pois

grazas ao seu servizo diario estamos conseguindo que España sexa na actualidade un dos países máis seguros do mundo.

Por todo isto, solicitamos a adopción do seguinte ACORDO:

O pleno da corporación de Cambados manifesta:

1. O seu apoio á Policía Nacional e Garda Civil no seu labor de defensa e protección dos dereitos e liberdades de todos os cidadáns e, especialmente, e desde a legalidade constitucional, da soberanía nacional, o Estado de Dereito, a democracia, e a convivencia entre os españois.

2. A súa condena ao acoso sistemático ao que os seus membros están sendo sometidos mediante actos violentos, independentemente da ideoloxía na que se amparen, así como calquera tipo de acción ou declaracón que xustifique, ampare ou minusvalore ditos actos, rexeitando en consecuencia toda conducta antidemocrática que atente contra a convivencia en paz e liberdade e que trate de socavar os fundamentos da nosa democracia.

Ademais, insta ou conxunto das institucións españolas a:

3. Utilizar con determinación e firmeza, así como desde a proporcionalidade e oportunidade, todos os mecanismos que, en defensa da soberanía do pobo español e do interese xeral de España, lle atribúen a Constitución e as Leis.

4. Actuar, coas ferramentas do Estado de Dereito, contra as iniciativas que pretendan, desde a ilegalidade e contra a vontade democrática do conxunto do pobo español, conculcar o noso marco constitucional e a unidade de España.

Para o seu coñecemento acórdase finalmente, trasladar esta petición ao Presidente e á Vicepresidenta do Goberno de España, aos Ministros de Xustiza e de Interior do Goberno de España, aos Voceiros dos Grupos Parlamentarios do Congreso e do Senado, aos Portavoces dos Grupos parlamentarios da Cámara autonómica, e á Xunta de Goberno da FEMP.”

2º.- MOCIÓN DO GRUPO MUNICIPAL DE SOMOS CAMBADOS DE REXEITAMENTO DA PROPOSICIÓN DE LEI DE FOMENTO DE INICIATIVAS EMPRESARIAIS.

Intervén o Sr. Cordal Rodríguez quen da leitura á exposición de motivos da moción dí que están dacordo con fomentar as iniciativas empresariais, que fan falla máis empresas pero non a calquera prezo, critica a política forestal e dín que están a favor da compostaxe

O texto da moción é o seguinte:

"Rexeitamento da Proposición de Lei de Fomento de Iniciativas Empresariais.- ...

Exposición de motivos:= 1.- A Proposición de Lei de Fomento de Iniciativas Empresariais, que pretende aprobar o Partido Popular pola vía de urxencia no Parlamento galego, lonxe de ser unha disposición xeral para a planificación e dinamización económica do tecido empresarial e produtivo, reduce garantías nos trámites ambientais, rebaixa o réxime de protección do patrimonio, mingua a participación da cidadanía e dos concellos nos trámites ambientais e de autorización previa de proxectos e, en resumo, constitúe unha norma flexibilizadora, liberalización e desreguladora das políticas mineiras, enerxéticas e forestais en Galicia en favor dos intereses privados das grandes operadoras do mercado en ditos sectores.

2.- Malia falar de participación social e para acadar a súa aprobación, o Partido Popular utiliza un procedemento parlamentario de urxencia para excluír o trámite de consulta previa e participación pública e para limitar o propio debate parlamentario da mesma. O texto preséntase como proposición, e non como proxecto de lei, eludindo dese xeito ditas consultas públicas e informes previos. Ademais, utiliza a vía de urxencia, para reducir á metade os prazos de debate parlamentario e de presentación de emendas.= Mesmamente, as variadas emendas do Grupo parlamentario do PP á súa propia proposición de lei, e que ao mesmo tempo que subsanan errores maiúsculos do texto orixinal, incrementan a liberalización e desregulación do sectores económicos.

3.- Baixo a fraudulenta motivación de fomentar a dinamización e a competitividade da economía galega e o fomento de iniciativas empresariais, o que se introducen atrás son cambios transcendentais na normativa xeral

dos sectores mineiro, eólico e forestal, nunha disposición normativa que convértese dese xeito nun “totum revolutum” que evidencia a falla de planificación, mesmo normativa, do goberno galego en ditos sectores. Sectores todos eles de grande impacto ambiental, paisaxístico e na ordenación do territorio, e nos que estamos lonxe de acadar un modelo de desenvolvemento sustentable baseado en criterios económicos, sociais e ambientais. Moito mais cando, como é o caso, os niveis de protección e de ordenación ambiental do noso territorio están ben alonxados do que o País precisaría (como é o caso da Rede Natura e outras figuras de protección ambiental).= A expansión dun modelo forestal baseado na liberalización e amparo dos monocultivos madeireiros e de biomasa que incrementa o risco de incendio, a proliferación de proxectos devastadores de minería así como de instalacións de xeración e distribución eléctrica vinculadas a expropiacións exprés son consecuencias esperables da lei que se pretende impulsar.= Do mesmo xeito, e mentres se liberalizan trámites para o aproveitamento eléctrico (integración das fases de proxectos sectorial e autorizacións administrativa previa e de construcción), non so renúnciase e aprázase sine die a revisión do Plan Sectorial eólico de Galiza senón que as áreas de reserva e as áreas de conservación, así como as súas franxas paralelas, pasan a ser consideradas áreas de desenvolvemento eólico. A ampliación do ámbito territorial do plan sectorial pola porta deatrás.

4.- A Proposición de Lei representa un agravio comparativo e un tratamento desigual, favorecedor das grandes empresas e operadoras nos mercados, en detrimento da pequena e mediana empresa e do propio tecido de economía social. Mentre que o obxectivo é abrir o camiño dos grandes beneficios ás empresas do oligopolio eléctrico, as corporacións mineiras e ao lobby forestal, as iniciativas locais, de pequenas e medianas empresas, así como as diversas formas de economía social (nomeadamente as cooperativas) radicadas no territorio, creadores de máis emprego e con maior e mais diversificado impacto social, atopan a diario todo tipo de atrancos administrativos, limitación ou insuficiencia de axudas, e serán damnificadas pola declaración de utilidade pública dos grandes proxectos e a propia liberalización e flexibilización de trámites de todo tipo que levan asociadas.

5.- Facilita os procesos de expropiación forzosa e reduce a autonomía municipal ao facer máis sinxela consideración de determinados proxectos

industriais como estratégicos, con menor control urbanístico, declaración de utilidade pública, e de incidencia supra-municipal. O artigo 16 da norma reduce de 50 a 20 millóns de euros o volume de investimento mínimo necesario para que un proxecto sexa declarado estratégico, e de 250 a 100 os postos de traballo directos creados, ou que simplemente precisen dunha especial necesidade de solo, non dispoñible coa oferta existente. Reduce tamén os prazos de consulta aos concellos, dificultando áinda máis o traballo de técnicos municipais que sufren as consecuencias dunha plantilla forzadamente mermada polas disposicións do goberno do Estado.= Ameaza o patrimonio cultural dos nosos montes; fai prevalecer o aproveitamento industrial fronte aos tradicionais e comunitarios; permite a corta xeneralizada onde antes precisaba permiso; e suprime a necesaria autorización de Medio Ambiente para os aproveitamentos madeireiros en zonas protexidas e reducindo de facto os niveis de garantías de protección ambiental das zonas e espazos protexidos, inclusive os da Rede Natura.= E a previsión dunha única nova planta de compostaxe (fracción orgánica dos residuos urbanos) pon de manifesto a renuncia fáctica ás propias previsións ao respecto no vixente e actualizado Plan de Residuos de Galicia.

6.- O novo réxime relativo á xestión, mantemento e conservación das áreas empresariais supón, en primeiro lugar, un desapoderamento de competencias municipais na materia, ao limitar e condicionar as potestades do planeamento respecto das entidades urbanísticas de conservación e, en segundo lugar, e como efecto derivado, a traslación á facenda municipal de custos de mantemento de ditas áreas.

7.- Do mesmo xeito, e contrariamente ao nivel de detalle do resto da proposición de lei, a previsión de mecanismo de mellora do financiamento daqueles concellos que incorporen medidas de apoio á implantación de iniciativas empresariais, queda nun simple enunciado e na maior das indefinicións, sen mais concreción que a súa remisión ás leis de orzamentos.

8.- En resumo, a iniciativa lexislativa da Xunta de Galicia e do Partido Popular apostou por un modelo extractivo de escaso valor engadido e despreza un modelo económico social e natural sustentable. O espolio dos nosos bens naturais común é o espolio do noso futuro. O sacrificio de garantías ambientais e dereitos sociais é unha hipoteca para as vindeiras

xeracións.= Apostamos por un modelo económico sustentable, democrático e que protexa o noso medio ambiente e patrimonio para o futuro. Apostamos por actividades que xeren máis valor engadido, máis emprego e de máis calidade.= Non queremos máis beneficios para uns poucos a costa de que os demais soportemos as súas consecuencias ambientais e económicas, e opoñémonos a que se nos negue a participación na toma de decisións que nos afectan como cidadanía. E como administración local opoñémonos ao desapoderamento, limitación ou degradación das nosas competencias na ordenación das áreas empresariais e nos trámites de autorización ou avaliación ambientais

Por todas estas razóns o Pleno do Concello de ACORDA:

PRIMEIRO.- Demandar do Parlamento galego a retirada ou, subsidiariamente, a non aprobación da Proposición de Lei de Fomento de Iniciativas Empresariais, por ser contraria aos principios de sostibilidade e protección do medio ambiente, da paisaxe e do patrimonio cultural, por alentar un modelo social desigual e inxusto, e por limitar o dereito das administracións locais e da cidadanía para participar na toma de decisións sobre proxectos empresariais de especial transcendencia económica e social.

SEGUNDO.- Instar á Xunta de Galicia a planificar, programar e executar alternativas políticas e económicas sustentables que garantan a preservación dos bens naturais, paisaxísticos e patrimoniais de Galiza, xeren rendas ecolóxicas e sociais, e que impulsen iniciativas económicas locais creadoras de emprego de calidade.

TERCEIRO.- Dar traslado do presente acordo ao Parlamento de Galicia, Grupos Parlamentares, así como á Xunta de Galicia.”

Intervén o Sr. Abal Varela que dí que habería que ver con detalle esta proposición de lei, que nos lle gusta que se aprobase pola vía de urxencia, que lle gustaría que fora una lei más consensuada, dí que os asuntos que se expresan nesta moción non son suficientes e que teñen un matiz político, que noutros países é máis fácil iniciar una actividade, que o que se necesita son máis empresas. Conclúe dicindo que de inicio podería abstenerse pero que vai ver como transcorren as intervencións.

Intervén o Sr. Caamaño Rivas que dí que o BNG xa se manifestou en contra desta Lei xa que vai en contra do seu modelo que é medioambiental, que esta lei favorece ás grandes empresas e que non lle importa a conservación do medio ambiente, que o único que lle importa é o beneficio empresarial, que está en contra desta lei porque é a típica lei colonialista.

Intervén a Sra. Alcaldesa quen dí que seguindo a liña do seu grupo no parlamento de Galicia, van votar a favor desta moción xa que únicamente favorece os intereses económicos das grandes empresas.

Intervén o Sr. Aragunde Aragunde quen dí que o obxectivo desta lei é a entrada de novas empresas, que se atenderon alegacións, que Galicia pasa a ser a CCAA que dá mais facilidades, se reducen os prazos de tramitación, pero non se reducen as garantías ambientais ademáis se facilita solo industrial. Que non comparte ese discurso arcaico de ricos contra pobres, que a lei permite os pagos aprazados, dá incentivos aos concellos que se adhiran todo ilo nun intre de crecemento económico e Galicia. Que o que se quere é diminuir o desemprego e que favorece ao sector forestal.

Intervén o Sr. Cordal Rodríguez dicindo que esta lei non favorece aos autónomos, que sí é certo que se reducen os trámites administrativos pero tamén o trámite de información pública, que como se está a pagar a auga en Galicia xa que coñecen que pasou co concurso eólico cando o PP chegou ao poder.

Intervén o Sr. Abal Varela anunciando que se van a abster.

Intervén o Sr. Caamaño Rivas quen dí que esta lei permitiría facer una mina no río Tambree cargarse o traballo de 1.600 persoas.

Intervén o Sr. Aragunde Aragunde didindo en primeiro lugar que en canto ao último que dixo o Sr. Caamaño Rivas non ten datos. Prosegue dicindo que con esta lei se potencian os polígonos industriais, que en Cambados hai empresarios que están a buscar terreos e non os atopan, que él non quere un goberno como o de Portugal con salarios mínimos. Anuncia que van votar en contra porque esta é una boa lei para Galicia.

Intervén o Sr. Cordal Rodríguez quen dí que segundo eurostat en España existe máis desigualdade que en Portugal.

Sometida a moción a votación acádase o seguinte resultado

Votos a favor: 7 (Membros dos grupos municipais do PSdeG-PSOE, BNG e Somos Cambados)

Votos en contra: 8 (Membros do grupo municipal do PP)

Abstencións: 1 (Grupo mixto).

En consecuencia queda rexeitada a moción do grupo municipal de Somos Cambados de Rexeitamento da Proposición de Lei de Fomento de Iniciativas Empresariais.

3º.- MOCIÓN DO GRUPO MUNICIPAL SOCIALISTA CON MOTIVO DO DÍA 25 DE NOVEMBRO, DÍA INTERNACIONAL CONTRA A VIOLENCIA DE XÉNERO.

Intervén a Sra. Alcadesa quen dí que é moi triste que teñamos que conmemorar un día contra a violencia de xénero (cita datos), que no século XXI seguimos en desigualdade as mulleres, dí que fan falla xulgados e policías especializados.

Da lectura á moción que é a seguinte:

“MOCIÓN QUE PRESENTA O GRUPO MUNICIPAL SOCIALISTA CON MOTIVO DO DÍA 25 DE NOVEMBRO, DÍA INTERNACIONAL CONTRA A VIOLENCIA DE XÉNERO, PARA A SÚA CONSIDERACIÓN, DEBATE E POSTERIOR APROBACIÓN POLO PLENO DO CONCELLO DE CAMBADOS.

EXPOSICIÓN DE MOTIVOS.=

Un ano máis, con motivo do Día Internacional contra a Violencia de Xénero, desde o Grupo Socialista queremos manifestar o noso máis firme

compromiso coas mulleres vítimas da violencia de xénero. Un compromiso activo día a día, porque para erradicar a violencia requírese o compromiso individual e colectivo durante todos os días do ano.= A loita contra a violencia que se exerce cara ás mulleres, debe ser unha prioridade que nos obriga a toda a sociedade no seu conxunto. Unha obrigación que lle corresponde en primeira instancia aos gobernos e administracións no marco das súas correspondentes competencias.= A violencia de xénero afunde as súas raíces na histórica desigualdade que tiveron e ainda seguen tendo as mulleres, como consecuencia do patriarcado existente nas nosas sociedades, por iso é fundamental abordar a súa erradicación desde as políticas de igualdade, desde o feminismo, para favorecer unha cultura da igualdade fronte a unha cultura de submisión.= No noso país dispoñemos dun marco lexislativo a través da Lei Orgánica de Medidas de Protección Integral contra a Violencia de Xénero, tamén de leis autonómicas na maioría das Comunidades Autónomas e recentemente foi aprobado polo Congreso dos Deputados o Pacto de Estado Contra a Violencia de Xénero.= Para contribuír a erradicular a violencia de xénero precísanse medidas políticas e institucionais desde os diferentes ámbitos que aborden o problema de maneira integral e sexan capaces de dar resposta ás necesidades específicas das mulleres vítimas e ás das súas fillas e fillos. Non se poderá avanzar na erradicación da violencia e na atención específica ás mulleres, se non se establecen os mecanismos de coordinación necesarios entre as diferentes administracións e institucións con responsabilidade na materia, pero tampouco se poderá seguir avanzando se non se dotan ás distintas administracións dos recursos económicos e de persoal especializado adecuados.= Na resposta integral, as administracións locais son unha peza clave e xogan un papel fundamental. Os Concellos pola súa propia definición como institución máis próxima á cidadanía e ás necesidades sociais, supoñen o primeiro estamento na prevención así como na atención a través da información, asesoramiento, protección e acompañamiento ás mulleres víctimas e ás súas fillas e fillos.

E imprescindible dotar de novo aos Concellos das súas competencias en materia de igualdade. É necesario e imprescindible contar coas estruturas municipais e a súa implicación na loita contra a violencia de xénero, e para iso é fundamental dotarles de recursos adecuados.= Neste sentido convén sinalar o aprobado no PACTO DE ESTADO CONTRA A VIOLENCIA, con respecto aos Concellos e á función que deben desempeñar.

Por iso, desde o Grupo Municipal Socialista de Cambados. Propoñemos para a súa aprobación polo Pleno do Concello de Cambados os seguintes ACORDOS:= 1.- Instar o Goberno de España, a que inicie os trámites para as modificacións lexislativas necesarias, ao obxecto de devolución das competencias ás entidades locais no exercicio das políticas de igualdade e contra a violencia de xénero.= 2.- Instar o Goberno de España, o cumprimento do compromiso económico acordado no PACTO DE ESTADO CONTRA A VIOLENCIA DE XÉNERO, ao obxecto de destinar vía transferencia aos Concellos, un incremento anual de 20 millóns de euros durante os próximos 5 exercicios, para o desenvolvemento das medidas correspondentes contempladas no devandito Pacto.= 3.- Dar traslado da Moción e a súa aprobación ao Presidente do Goberno, a Ministra de Sanidade, Servizos Sociais e Igualdade, ao Ministerio de Facenda e Función Pública, así como ao Presidente da Federación Española de Municipios e Provincias (FEMP).”

Remata a súa intervención dicindo que en resumo o que se pide é levar a aplicación efectiva ese pacto de estado.

Intervén o Sr. Abal Roma quen dí que os datos son aterradores e que dado que a administración local é a administración más próxima aos veciños debe dotarse aos concellos de máis medios económicos para así poder combater esta lacra.

Intervén o Sr. Cordal Rodríguez que nuncio o voto favorable do seu grupo a esta proposta, dí que desgraciadamente o machismo todavía está moi arraigado xa que o franquismo antá moi reciente. Dí que se precisa máis educación e recursos.

Intervén o Sr. Caamaño Rivas anunciando o voto favorable do seu grupo, dí que estamos ante un problema estrutural do estado que non se soluciona só con educación, que ten que haber un cambio radical na sociedade existir máis apoios e medios Remata dicindo que estamos a vivir nunha sociedade machista.

Intervén a Sra. Oubiña Santos quen dí que traballa con vítimas de violencia de xénero, pero que non está a favor desta moción xa que crén que esta

moción pide una serie de acordos que xa se aprobaron o 7/09/2017, que se trata de integrar e coordinara a violencia de xénero. Que dende o PP se fixeron propostas e que no pacto de estado de articulan medidas como a protección dos menores. Que dentro das 213 medidas hai un compromiso económico de 1.000.000.000,00 € en 5 anos. Por último procede a dar leitura á declaración institucional aprobada pola deputación provincial de Pontevedra.

Intervén a Sra. Alcaldesa quen dí que setá dacordo con esa declaración institucional, que en canto ao sentido do seu voto é certo que o PSOE votou a favor dese pacto de estado pero que tamén presentou 19 votos particulares (Da lectura a uns deles). Remata dicindo que teñen que modificarse más leis e que estas deben ser áxiles.

Sometida a moción a votación acádase o seguinte resultado

Votos a favor: 8 (Membros dos grupos municipais do PSdeG-PSOE, BNG, Somos Cambadose mixto)

Votos en contra: 8 (Membros do grupo municipal do PP)

Ao producirse empate vótase por segunda vez acadándose o seguinte resultado

Votos a favor: 8 (Membros dos grupos municipais do PSdeG-PSOE, BNG, Somos Cambadose mixto)

Votos en contra: 8 (Membros do grupo municipal do PP)

Persistindo o empate dedíde a Alcaldesa co seu voto de calidade favorablemente.

En consecuencia queda aprobada a moción do grupo municipal socialista con motivo do día 25 de novembro, día internacional contra a violencia de xénero.

Dilixencia: Para facer constar que cando son as 23:07 faise un receso por orde da Alcaldesa reanudándose a sesión plenaria ás 23:13 horas.

Intervén a Alcaldesa quen dí que os puntos 4, 5 e 6 se van debatir convxuntamente e logo se votarán separadamente.

4º.- MOCIÓN DO GRUPO MUNICIPAL SOCIALISTA SOBRE A VAGA DE LUMES QUE ASOLOU GALICIA.

Intervén o Sr Pértez Osorio quen dí que antes de comenzar quere comenzar recoñecendo a labor feita pola cidadanía, brigadistas. Procede á letura da moción presentada polo seu grupo (punto 4º da orde do día). Remata dicindo que existe una política forestal errada, que hai deixadez de funcións, despide de persoal e vota a contrataos que hai moita improvisación e descontrol, incide na parte dispositiva da moción presentada por eles.

Intervén o Sr. Cordal Rodríguez quen en primeiro lugar se suma como o anterior concelleiros a recoñecer o traballo realizado por todas as persoas que participaron na extinción dos lumes, procede á letura da moción de somos Cambados (punto 5º da Orde do día)

Intervén Sr. Caamaño Rivas que dí que procede un cambio de política forestal e que haberá que poñerse acordo entre todos, cita que no ano 2007 aprobouse por primeira vez a lei de prevención e defensa contra os incendios forestais.

Intervén o Sr. Abal Varela que dí que quere agradecer a labor feita polos corpos e forzas de seguridade do estado, do xefe da Policía Local Maximino, así como do servizo de obras especialmente de augusto, protección civil.., dí que ese día estivo alí, que ocorreron situación de pánico, que o que aconteceu era moi difícil de solucionar por moitos medios técnicos que houbera. Que se deberían incrementar as penas de cárcel para os pirómanos. Prosegue a dicir que na Xunta gobernou o PP e o bipartito e que este é un problema difícil de solucionar, dí que eles xa levaron no seu programa a industria resinera, que nos anos 60 España era una potencia en estracción de resina, que China empezou a exportar resina

a Europa que se traduxo nunha caída de presos e provocou a despoboación dos montes, que se necesita ordear o monte e concentrarlo xa que non é rendable traballalo, que hai determinadas cuestións das que non van facer política e que esta é una delas, que hai 3 mociones e lle sorprende negativamente que non se fale dos incendiarios e que se lle culpe só ao partido do goberno. Remata dicindo que ve difícil decantarse por una moción ou outra.

Intervén a Sra. Alcaldesa dicindo que no ano 2007 aprobouse por primeira vez una lei neste senso e que foi derogado polo PP e que non só se lle vota a culpa ao partido que estea no goberno senón que son mociones de prevención.

Intervén o Sr. Aragunde Aragunde quen dí que está dacordo coa exposición do Sr. Abal Varela xa que este foi un ataque incendiario que se aproveitou das condicións meteorolóxicas extremas ademais dos lunes que viñan de Portugal, que houbo moitísimos medios técnicos (220 motobombas ou 20 medios aéreos), que foron movilizados máis de 200 efectivos da UME, así como motobombas de empresas privadas, que o domingo houbo 68 novos incendios, que a situación ata setembro era menor nun 20% de incendios con respecto ao ano 2016, que se dispuxo do maior operativo dende o ano 2011, que o PLADIGA actualízase cada ano. Prosegue a decir que co bipartito, cando a consellería estaba en poder do BNG, se suprimiu o convenio co ministerio de defensa, que se están implantando novas técnicas (drons), así como convenios cos concellos, que monte non arde só, que non se recalificaron terreos que son queimados e que a Xunta de Galicia aprobou axudas. Conclúa dicindo que van votar en contra das mociones porque a Xunta de Galicia non achantou. (Durante a súa intervención son as 0.00 horas continuándose o pleno advertindoo a Alcaldesa que abrevien as intervencións)

Intervén o Sr. Cordal Rodríguez quen dí que están a favor de ser mais duros, que o código penal modificouse fai 2 anos que a TVG estivo ausente. Que eles contemplan na súa moción o do ministerio fiscal no seu punto 4º e a defensa da industria resinera, punto 8º.

Intervén o Sr. Pérez Osorio quen dí que a finais de xuño deste ano o grupo socialista presentou no parlamento de Galicia unha proposición para incrementar os medios e dotación orzamentaria para control sobre incendiarios, seguimento e axilización dos trámites xudiciais que foi rexeitada polo PP.

Intervén o Sr. Caamaño Rivas quen dí que o que buscan nas mociones son solucionés, que os problemas son o abandono do medio rural e que para que non se produzan incendios hai que facer que o monte sexa rendable. A teleoloxía da moción é buscar solucionés xenéricas e non culpables.

Intervén o Sr. Abal Varela quen dí que as mociones de Somos Cambados e BNG son xenéricas e moi idealista pero que non concretan medidas específicas e que máis se axusta ao que queren é a do partido socialista pero que lle gustaría que se contempakra o das penas de cárcel.

Sometida a moción a votación acádase o seguinte resultado

Votos a favor: 8 (Membros dos grupos municipais do PSdeG-PSOE, BNG, Somos Cambadose mixto)

Votos en contra: 8 (Membros do grupo municipal do PP)

Ao producirse empate vótase por segunda vez acadándose o seguinte resultado

Votos a favor: 8 (Membros dos grupos municipais do PSdeG-PSOE, BNG, Somos Cambadose mixto)

Votos en contra: 8 (Membros do grupo municipal do PP)

Persistindo o empate dedide a Alcaldesa co seu voto de calidade favorablemente.

En consecuencia queda aprobada a moción do grupo municipal socialista sobre a vaga de lumes que asolou Galicia seno o seu texto o seguinte:

"MOCIÓN QUE PRESENTA O GRUPO MUNICIPAL SOCIALISTA DO CONCELLO DE CAMBADOS SOBRE A VAGA DE LUMES QUE ASOLOU GALICIA.-"

EXPOSICIÓN DE MOTIVOS:

A vaga de lumes que asolou Galicia nos pasados días, de maneira máis intensa no pasado domingo 15 de outubro, supuxo unha nova desgracia para o país, para a súa riqueza medioambiental, social, vital, económica e incluso para a autopercepción como sociedade avanzada e coidadosa de si mesmo e da súa terra. Pero, indiscutiblemente, e sen punto de comparación, as desgracias humanas sufridas durante estes días que causaron a morte de 4 persoas foron unha perda irreparable e insuperable.

O problema dos lumes en Galicia non é un problema novo. De maneira continuada véñense producindo feitos e situacións que alimentan e favorecen a aparición de lumes no monte galego. O descuido e desleixo das labores de coidado do monte supón un elemento de grande perigo, e un factor tremendoamente facilitador da aparición e, sobre todo, da propagación dos lumes. É imprescindible levar a cabo unha política de prevención eficiente, con investimentos decididos e realmente comprometidos, que aposte polo coidado e mantemento concienciado en colaboración coas comunidades de montes, Concellos, Deputacións, agrupacións ecoloxistas, distintas organizacións e todos os niveis da administración e os distintos colectivos.

A política de extinción de incendios do Goberno da Xunta de Galicia foi errática e chea de bandazos. A decisión de non prolongar contratos de persoal antiincendios (fixos discontínuos de 3 meses 436 persoas e 500 de Seaga), a facilidade de procesos de privatización dos recursos dispoñibles, a deixamento na atención as advertencias de perigo que dende distintos puntos e voces autorizadas e expertas fixeron do nivel de perigo existente, o rexeitamento de iniciativas parlamentarias e municipais que fixeron distintos grupos políticos.

A situación vivida especificamente nos últimos días, e nomeadamente no último domingo, foi absolutamente desesperanzadora. Os concellos víronse sobrepassados, mais tiveron que afrontar os lumes cos seus únicos medios municipais e/ou con minguados efectivos autonómicos. Existiu unha claramente deficiente coordinación de servizos por parte da Xunta de Galicia, que provocou caos e desesperación nos veciños e veciñas que

tiveron que loitar desprotexidos e desamparados ante o lume coa única axuda dos seus medios.

Por elo, o Grupo Municipal Socialista no Concello de Cambados somete a votación a seguinte MOCIÓN para aprobar as seguintes propostas a Xuntade Galicia:

- * Conformar un grupo de traballo plural, que conte coa participación das forzas políticas, de todos os niveis da Administración, forzas e corpos de seguridade e membros dos equipos de extinción, expertos profesionais e académicos, que afronten de maneira global o problema do monte galego e a existencia reiterada de incendios e vagas de lumes.
- * Cuantificación dos danos causados polo lume en Galicia no 2017.
- * Poñer en marcha por parte da Xunta de Galicia as medidas necesarias para evitar a erosión e deterioro dos montes queimados, evitando tanto a súa degradación como a contaminación de cauces e manantiais.
- * Dotar as medidas anteriores con orzamentos suficientes por parte da Xunta para poder levar adiante as citadas medidas.
- * Solicitar aos grupos políticos representados no Parlamento de Galicia a que se comprometan de maneira unánime a apoiar un investimento sostido e continuado dun aumento das partidas orzamentarias destinadas á prevención dos lumes no monte que sexan suficientes para consolidar unha Extratexia galega contra os incendios.”

5º.- MOCIÓN DO GRUPO MUNICIPAL DE SOMOS CAMBADOS NA DEFENSA DUNHA POLÍTICA AGROFORESTAL AO SERVIZO DA XENTE.

O Texto da moción é o seguinte:

“NA DEFENSA DUNHA POLÍTICA AGROFORESTAL AO SERVIZO DA XENTE.=

Exposición de motivos:

Galicia con miles de hectáreas queimadas e lamentando catro vítimas mortais -dúas mulleres perderon a vida en Nigrán, un home faleceu en Carballeda de Avia e outro home morreu en Vigo- acaba de padecer a maior catástrofe natural que ten sufrido a súa superficie forestal nos últimos anos.

A vaga de lumes estendeuse de norte a sur e de este a oeste do país: San Cristovo de Cea, Baños de Molgas, Chandrexas de Queixa, Montederramo, Manzaneda, Carballeda de Avia, e ata 23 concellos en Ourense; a reserva da biosfera de Os Ancares, Cervantes, Monforte, Pantón e Friol e ata 30 concellos en Lugo; Ponteareas, Pazos de Borbén, Redondela, Salceda de Caselas, Nigrán, Vigo, Pazos de Borbén, Salvaterra, Soutomaior, Mondariz, Gondomar, Baiona e As Neves, Ponteareas, Ponte Caldelas ou Mos entre outros en Pontevedra; así como Boiro, Neda ou Negreira como exemplos de lumes na provincia de A Coruña.

Ademais por mor dos lumes, deberon ser cortadas a autovía A-52, a nacional 525 , a VG-20, a AG-57, a PO- 250 e os túneles de O Folgoso.

A veciñanza dos múltiples concellos afectados coinciden en a falta de medios de extinción coas lapas nas portas das casas e non comprenden como a Xunta cesou no seu contrato a traballadores e traballadoras dos SPDCIF xusto cando as condicións atmosféricas indicaban a proximidade do furacán Ophelia, había unha humidade relativa inferior ao 30 % e as temperaturas superaban os 30 grados. Condicións ideais para que os incendios sexan praticamente incontrolables.

Aínda non hai un balance provisional de danos: casas destruídas, coches queimados, maquinaria agrícola destruída, animais domésticos mortos, viñas e diversas plantacións inservibles e decenas de persoas sen emprego.

Pero o dano esténdese á paisaxe, ao aire que respiramos, á auga que bebemos, á caza, á pesca, á cultura, á etnografía, ao turismo rural..., unha perda económica, ecolóxica e social

Persoas falecidas, familias desaloxadas, innumerábeis lugares afectados polos incendios, moitos deles Espazos naturais protexidos, Parques naturais, Reservas da Biosfera, ecosistemas de gran valor económico e medioambiental calcinados por falta de medios tanto materiais como humanos, e non tivemos máis desgrazas persoais e máis perdidas materiais grazas a profesionalidade e a implicación das traballadoras e traballadores que integran os distintos colectivos forestais e a implicación da sociedade civil.

As perdidas de vidas humanas, os custos económicos, ecolóxicos e sociais que os lumes producen nos nosos montes xeran a indignación da sociedade galega. Esta indignación debe producir unha reacción por parte da Xunta de Galicia, levando a cabo políticas de protección dos espazos e de reordenación do espazo agroforestal galego.

O Sindicato Labrego, a Organización Galega de Comunidades de Montes, Frouma, Amigos da Terra e a Federación Ecoloxista Galega abandonaron no mes de xuño o Consello Forestal de Galicia polas continuas prácticas de entorpecemento á súa participación e en concreto pola presentación en rolda de prensa do Plan de Defensa contra Incendios (Pladiga 2017), antes de que este fora coñecido polas organizacións que participan no Consello Forestal.

Polo exposto, presentamos a seguinte Proposta de acordo

PRIMEIRO.- Instar a Xunta de Galicia a

1. Democratizar o funcionamento do Consello Forestal Galego.
 2. Buscar un Acordo Nacional Estratéxico de Xestión do Monte Galego que conte co consenso dos grupos políticos, sindicatos, patronal, organizacións sociais e propietarios forestais que marque un cambio na política agro-forestal.
 3. Modificar -co consenso dos grupos políticos, sindicatos, patronal, organizacións sociais e propietarios forestais- o PLADIGA (Plano Forestal de Galicia e dos Planos de Loita Contra o Lume) centrando o mesmo na prevención no canto da extinción no período de alto risco e garantindo a protección dos núcleos poboacionais, parques naturais e reservas da biosfera.
 4. Instar ao Consello Xeral do Poder Xudicial para que dote á Fiscalía dos medios técnicos, humanos e económicos necesarios para mellorar a investigación dos lumes.
 5. Elaborar plans de ordenación dos montes que contemplen a ordenación dos cultivos agrarios e forestais e á mobilización produtiva das terras, evitando o aumento da superficie ocupada por especies de medra rápida.
 6. Poñer en marcha de xeito urxente plans de restauración e recuperación das zonas afectadas por incendios neste ano 2017 e nos últimos anos.
 7. Converter o SPDCIF como servizo único e público de prevención e extinción de incendios forestais profesionalizado.
 8. Presentar un Plan de Fomento de implantación de sectores industriais e empresariais que centren o seu traballo na transformación de produtos silvícolas e agropecuarios, na conservación de masas forestais e na prevención dos incendios.
- SEGUNDO.- Instar ao goberno do Estado a derogar a Lei de Montes 43/2003, de 21 de novembro, modificada o 21 de xullo de 2015, e a respectar o carácter singular dos montes en man común de Galicia.**

TERCEIRO.- Dotar, de se lo caso, ao Concello dun Observatorio Medio Ambiental, onde se propoña unha política agro-forestal sustentábel e economicamente rendíbel para a sociedade.

CUARTO.- Partindo do convencemento de que a privatización dos servizos de prevención e extinción dos incendios forestais leva consigo a eliminación de medios materiais, técnicos e humanos e un incremento nos custes de extinción que só beneficia a sectores especulativos, entendemos que os equipos de extinción deben estar baixo un mando único e depender na súa totalidade da Consellaría do Medio Rural. En consonancia, o Concello esixirá á Xunta que asuma todas as labores de extinción de lumes, podendo o Concello acordar asumir baixo convenio as dedicadas exclusivamente á prevención, procurando que ditos medios traballen durante todo o ano, especialmente nos meses de inverno e primavera.”

Sometida a moción a votación acádase o seguinte resultado

Votos a favor: 7 (Membros dos grupos municipais do PSdeG-PSOE, BNG e Somos Cambados e mixto)

Votos en contra: 8 (Membros do grupo municipal do PP)

Abstencións: 1 (grupo mixto)

En consecuencia queda rexeitada a moción do grupo municipal de Somos Cambados na defensa dunha política agroforestal ao servizo da xente.

6º.- MOCIÓN DO GRUPO MUNICIPAL DO BNG CONTRA OS LUMES FORESTAIIS E POLO DESENVOLVEMENTO RURAL.

O Texto da moción é o seguinte:

“MOCIÓN CONTRA OS LUMES FORESTAIIS E POLO DESENVOLVEMENTO RURAL.-

Exposición de motivos.

A traxedia da vaga de lumes forestais que vén de arrasar Galiza provocou en catro días a morte de catro persoas, puxo en situación de grave risco

núcleos urbanos e miles de persoas viron as súas vidas ás portas da morte; deixou vivendas, centos de propiedades e máis de 35.000 hectáreas engulidas polas lapas (máis de 48.000 hectáreas este ano, tanto como nos tres anos pasados).

O Goberno galego era consciente de que Galiza atravesaba unha das maiores secas das últimas décadas, que as comarcas de Ourense levaban ardendo durante toda a semana e que os coletazos do furacán Ofelia traería fortes rachas de vento. A pesar diso, a política do Partido Popular (PP) vai no sentido inverso: redución das franxas de protección, despedimento de case medio milleiro de traballadoras e traballadores da empresa pública SEAGA a semana anterior e a non aplicación durante todo o ano das medidas de prevención.

Para o PP, unha política forestal que acometa medidas de carácter estrutural, que abranga a posta en valor dos terreos forestais, o aproveitamento diversificado e multifuncional do monte, a aplicación de medidas preventivas e de actualización do propio dispositivo de loita contra os lumes forestais, non existe.

En 2007 aprovouse por primeira vez unha lei de prevención e defensa contra os incendios forestais en Galiza. Dita norma sentaba os alicerces para dar prioridade a unha actuación preventiva contra os incendios forestais, combinando medidas de ordenación forestal do territorio, o impulso ao asociacionismo na explotación forestal, a inserción da política forestal na de desenvolvemento rural, deixando de ser unha política sectorial illada doutras actividades no medio rural, e a regulación dunha planificación eficaz dos dispositivos contra o lume.

Esta Lei foi derogada polo PP, sen máis argumento que o desprezo pola súa autoría, sen ningún criterio lóxico, nin dende o punto de vista da prevención e loita contra o lume, nin para propiciar o desenvolvemento do rural e, o que é peor, sen implementar ningún modelo alternativo, acordando a pura e simple eliminación de medidas avanzadas de prevención e a volta á relegación e parálise da política preventiva e de ordenación forestal como principal panca para erradicar os incendios forestais en Galiza.

O goberno do PP, desde aquela, abríu a posibilidade de forestar terras agrarias, permitindo as repoboacións forestais en terras adicadas ao labradío, prados ou pasteiros. Deste xeito aumentou o desorde territorial, diminuíu a posibilidade de incrementar as explotacións, propiciou o abandono do mundo rural e aumentou o perigo dos incendios forestais.

O goberno do PP, ademais, reduciu na metade a obriga de xestionar a biomasa vexetal nunha faixa de 100 metros arredor de calquera núcleo ou actividade situada a menos de 400 metros do monte. E reduciu de 50 metros a 25, a contar desde a extrema da propiedade, a prohibición de especies que favorezan a propagación do lume (eucalipto, acacia, piñeiro ...).

Estas reformas só poden ser entendidas, ademais, se con elles se pretende favorecer os intereses de certas industrias como ENCE, ao permitir grandes plantacións de especies de crecemento rápido como o eucalipto.

O BNG leva anos denunciando que este é un dos principais problemas estruturais do noso país. E como tal, a resposta tamén debe atacar ao problema de fondo. No mes de xuño, a Portavoz Nacional do BNG, Ana Pontón, após os incendios do Pedrógao en Portugal, fixolle un ofrecemento ao Presidente da Xunta de Galiza, para chegar a un grande pacto nacional galego en defensa do noso monte, que Feijóo nin se dignou en contestar. Os aspectos a abordar, como a desertizacón, o abandono de explotacións agrarias, monocultivo do eucalipto ao servizo basicamente de ENCE, a falta dun aproveitamento multifuncional do monte galego que aproveite todo o seu potencial, servizo de prevención e extinción precario, estacionalizado e sen mando único, etc., seguen ainda pendentes.

Diante disto o goberno do PP, aplica a política da manipulación informativa e do autobombo, botándolle a culpa ao vento, a Portugal ... sen asumir as súas responsabilidades. Mesmo pretende atribuír aos concellos funcións propias da administración forestal, como a contratación das brigadas de extinción ou a realización de labores de limpeza nos límites das masas forestais, cando carecen de financiamento público municipal e son, se nos atemos a criterios da pretendida “racionalización da administración local” que impuxo o PP, competencias improprias dos entes locais.

Por todo isto, o grupo municipal do BNG solicita do Pleno da Corporación Municipal a adopción do seguinte ACORDO.

Instar á Xunta de Galiza á

1. Executar unha política de desenvolvemento rural que reverta o abandono dos núcleos rurais e das explotacións agrarias e forestais.
2. Realizar, de xeito consensuado coas restantes forzas políticas e axentes sectoriais e sociais implicados, as modificacións lexislativas necesarias para a posta en valor do solo forestal e regule adequadamente os problemas estructurais a nivel de ordenación do espazo rural e de medidas preventivas.
3. Acometer unha política forestal baseada no aproveitamento multifuncional do monte e na reversión do monocultivo de especies pirófitas.
4. Estabelecer un único protocolo de emerxencias a nivel nacional que evite a descoordinación e a dispersión xeográfica e de mados.
5. Asumir as súas responsabilidades en materia de prevención mediante:
 - * Maior implicación dos Distritos Forestais na colaboración cos concellos en materia de limpeza e vixilancia.
 - * O establecemento e mantemento de faixas de protección.
 - * Incrementar os orzamentos para as liñas de axuda destinadas a limpezas e na primeira parte do ano natural e previamente a entrada no período de risco.
6. Reformular o Servizo de Defensa Contra Incendios Forestais dunha forma integral e baixo un mando único (eliminando as brigadas municipais), de xeito que se garanta a súa coordinación, profesionalización e homologación tanto en formación como equipamento e condicións laborais.”

Sometida a moción a votación acádase o seguinte resultado

Votos a favor: 7 (Membros dos grupos municipais do PSdeG-PSOE, BNG e Somos Cambados e mixto)

Votos en contra: 8 (Membros do grupo municipal do PP)

Abstencións: 1 (grupo mixto)

En consecuencia queda rexeitada a moción do grupo municipal do BNG contra os lumes forestais e polo desenvolvemento rural.

7º.- DAR CONTA DAS RESOLUCIÓNS DA ALCALDÍA, MESES DE OUTUBRO E NOVEMBRO

O pleno dase por enterado

A Sra. Alcaldesa pregunta se algún grupo desexa someter por motivos de urxencia algún asunto que non teña cabida na quenda de rogos e preguntas. Non se presenta ningún.

8º.- ROGOS E PREGUNTAS

Por parte do Sr. Aragunde Aragunde formúlanse as seguintes preguntas

1. ¿Cando se permitirá o acceso aos expedientes presentados en tempo e forma por rexistro de entrada neste concello?
2. ¿Están realizados traballos de mantemento de alumeados públicos e utilizando para tal fin algún vehículo municipal e algún operario do concello de Cambados?

Asimesmo presenta un rogo: Que se entreguen as actas pendentes da Xunta de Goberno Local que levan máis de 8 meses sen recibir ninguna.



E sen máis asuntos que tratar a Sra. Alcaldesa da por rematada a sesión,
cando son as 00:25 horas do día 5 de decembro, de todo o que eu como
secretario dou fe.

Vº... e Prace
A ALCALDESA

O SECRETARIO XERAL

